

112 年客語情境式演說題目

圖一：阿爸盡好个休閒活動就係釣魚仔。佢問阿爸：「奈日佢乜想愛跣你去釣魚仔，做得帶佢去無？」阿爸講：「好啊！這禮拜就共下來去。」打早佢同阿爸搵手準備好東西就出發，今晡日个天時盡涼爽，一到陂塘，看到當多人在該釣魚仔，阿爸同釣檯綯好就開始釣，佢看著當多魚仔在水肚洩來洩去。

圖二：阿爸問佢：「你知阿爸做麼个好釣魚仔無？」阿爸講：「這位空氣好又做得晒日頭對身體好，還做得培養自家个耐心。釣著魚仔心情就當好，歸身仔停動就有運動著。」阿爸還教佢仰般釣魚仔，看阿爸擎等釣檯个樣仔，實在當有自信又緣投。

圖三：阿爸笑咪咪仔同佢打嘴鼓，忽然間，釣檯停動一下，阿爸大力拉啊起來，哇！這條魚仔還大尾哦！脣項个人手緊比嘴又緊講：「還湛斗哦！」佢歡喜到奈毋得，遽遽去拿水桶過來裝魚仔，暗晡夜做得加菜了！

圖四：轉到屋下，阿姆在該準備暗餐，阿爸乜搵手料理，佢看著歸桌頂都係佢好食个菜，當然還有阿爸釣个魚仔，煎到實在還香哪！佢个口涎水強強就會流下來了。阿爸一片食一片比手畫腳講今晡日釣魚仔个情境，阿姆笑到嘴擘擘仔，今晡日實在當歡喜。

提問問題：

1. 你有去釣過魚仔無？

有發生麼个生趣个事情？

2. 放奈日你會同屋下人做麼个休閒活動？

